

Quando c
De Communancia Armaturarum facta est

CAP. CLV.

Eodem anno dominus Talamacius, Faventinorum potestas, fecit et ordinavit communanciam Armaturarum in mense februarii apud castri Sancti Petri, cum ibi in reedificatione essemus. In abscondito sacramenta fieri fecit omnibus, ut civitas in bono statu permaneret et cum magnatibus officia civitatis sortiri. ^[a] Omnibus dictam communanciam rogantibus, ut ab hac inquietatione desisterent, quae nullius usa consilio, sed in sua incredulitate permansit. Ob hoc autem dicta communancia magnam est passa jacturam.

(Praelium inter [b] Lombardos apud Zibellum, in quo vicerunt Cremonenses.)

CAP. CLVI.^a

In nomine Domini, cccxviii. post mille ^[e], mense madii, fuit praelium magnum inter Lombardos apud Zibellum ^[d], et ibi fuerunt quatuor carrocia, et obtinuerunt Cremonenses et socii ^[e] (101).

Quando Petrus Traversaria Ravennam cepit.

CAP. CLVII.

Sub anno Domini mcccxviii, die secundo mensis octobris, dominus Petrus de Traversaria, adiutorio suorum amicorum et maxime Mainardorum, Ravennam cepit, captis atque expulsis amicis domini Ubertini Guidonis de Duideo de civitate Ravennae. In mense autem augusti, dominus Petrus Montemveclum ^[f] castrum Rochors ^[g] ^[A], in quo comes Rugerius Guerra partem habebat, emit, ut comitatum comitis Guidonis Guerrae, qui eum in hac parte laedebat, et circumstantia posset opprimere loca. Quo quidem non comiti grato, sed venenoso, ei guerram inferendam publice indixit hostiliter.

[a] civitatis sortiri. Sic lego cum C. V.; legi potest etiam: civitatis sortiti. — [b] Praelium inter etc. Titulus deerat. — [c] In nomine Domini cccxviii post mille, C. M. In C. V., Anno Domini mcccxviii. — [d] apud Zibellum. Sic Codd.; vulgo Gibellu. — [e] et socii. Sic Codd.; sed supple: victoriam. — [f] Montemveclum; idest, Montevocchio. — [g] castrum Rochors, C. M.; castrum Roncors, C. V. Iuxta Cl. Mitt., verti facile posset Richrō. Sed ego crederem legendum, castrum Rochorum; nam in duabus chartis Archiv. Capitular. lego inter testes nominatum, sub ann. 1373 et 1374, Nicolaum filium Baldutii de villa Rocchorum.

[A] Montisvecli Rochorum meminit charta ann. 1318, Caps. Q, n. 9130, in Archiv. Archiep. Rav. existens.